

判義禁府事問便否于吏曹○日暈○全羅道谷城縣夜有赤氣渾天
山野皆明村屋可數良久而銷○已卯大風 受常參○聽啓覆○左議
政南袞啓曰鄭光弼曾經首相而反任於禁府夫禁府乃從一品衙門
今以光弼判府事臣以為甚不合於設官之意又不當也且禁府若有
死囚則判事書名于牒報于本府殊非待大臣之體也於事體甚未便
請遙光預而復權鈞之任且斷大獄國家重事是故九蔽大獄必與大
臣參決今日朝啓六曹長官皆不入參而其入侍者唯參議而已殊無
與大臣參決之意大抵判書有故則參判代入不當以參議入侍且六
卿之參朝啓前此已有傳旨而今皆不入臣亦以謂未便也且兵曹堂
上當如諸曹例亦與參班大典五禮儀皆有其例兵曹堂上不可只侍
衛於諸將之列以後朝啓時別令兵曹堂上參決何如傳曰前此金銓
亦為判府事故不遙光弼卿言如此當依啓也朝啓時六卿不入予亦
以為未便其推之兵曹堂上參決亦可○舍人以三公意啓曰全羅閑
曠之地令道內犯罪人入居事前已議之然北方閑曠之地無數有罪
之人當移於此以實邊境不當移於此地也且入居者所以懲有罪之
人而國家因此欲實閑曠之地若以近官犯罪之人而移入則是犯罪